

կուած կլինենք կեանքի ապահովութիւնից, երբ մենք չենք կորող Բարձրագոյնս մեզ շնորհուած բարիքները վայելել: Առաջ ու առաջ պէտք է մտածել անպահով ապրելու վերայ և ապա՝ լուր ապրելու վրայ:

Մենք կարծում ենք, որ բացի մեր անհրաժեշտ ինքնապաշտպանութեան միջոցներից, խիստ կարևոր է, որ հայ ժողովուրդը միաբերան խնդրէ պետութիւնից, նախ պաշտօնապէս թոյլ տալ իրան ազատ կերպով ինքնապաշտպանութեան միջոցների դիմել և ապա ղինուորական դատարան հիմնել յանցաւորներին պատժելու համար: Շատ կոտորեցինք և շատ կոտորուեցինք, բայց ո՞ր յանցաւորը՝ մէկ թէ՛ միւս կողմից ստացաւ իւր արժանաւոր պատիժը: Խուժանին զսպողը՝ ամենախիստ պատիժն է և երբ նա տեսնում է որ կարող է անպատիժ կերպով և սպանել և թալանել և այդ աւարով առանց քրտինք թափելու ապրել՝ այնուհետև նորա միջից բանական մարդը դուրս է գալիս և մտնում անզգայ և արիւնարբու գազանը:

ՊԵՏԱԿԱՆ ԴՈՒՄԱ

Օգոստոսի 6-ը նշանաւոր յեղափոխութիւն մտցրեց Ռուսիայի կեանքի մէջ. այդ օրը հրատարակուեց բարձրագոյն հրովարտակ, որով կայսրութեան ամբողջ բնակչութիւնը հրաւիրուած է ընտրուած մարդկանցով կազմել Պետական Դումա — ժողովրդական մի ներկայացուցչութիւն, որ պէտք է մասնակցէ երկրի համար օրէնք կազմելուն: Այդպիսով այսուհետև ինքը ժողովուրդը յայտնի չափով պէտք է մասնակցէ երկրի կառավարութեան գործին, ընտրելով դորա համար իր միջից արժանաւոր ներկայացուցիչներ:

Ռուսիայի ժողովուրդը վաղուց ձգտում էր միջամտել երկրի կառավարութեան գործին, բայց միշտ էլ յետ էր մղւում ոռու բիւրօկրատիայից, բայց այժմ նորա իրաւունքները ճանաչուած և գործադրութեան են մտած Կայսերական զահոյքից տուած վերոյիշեալ հրովարտակով, որի հայ թարգմանութիւնը բերում ենք այստեղ:

ԲԱՐՁՐԱԳՈՅՆ ՀՐՈՎԱՐՏԱԿ

Ողորմութեամբ Աստուծոյ Մենք Նիկողայ Երկրորդ, Կայսր և Ինքնակալ համայն Ռուսիոյ, Թագաւոր Հեհաստանի, Մեծ Իշխան Ֆինլեանդիայի և այլն և այլն և այլն:

Յայտարարում ենք մեր բոլոր հաւատարիմ հպատակներին:

Ռուսաց պետութիւնը ստեղծուել է ծարի ու ժողովրդի և ժողովրդի ու ծարի անքակտելի ամուր միութեամբ, ծարի և ժողովրդի համաձայնութիւնն ու միութիւնը բարոյական այն մեծ զօրութիւնն է, որից ստեղծուել է Ռուսիան դարերի ընթացքում, պաշտպանել է նրան ամեն տեսակ աղէտներից ու պատահարներից և ծարը հանդիսանում է իբրև գրաւական նրա միութեան, անկախութեան և ամբողջութեան, նիւթական բարօրութեան և հոգեկան զարգացման ներկայում և ապագայում:

1903 թուի փետրուարի 26-ին տրուած հրովարտակով հայրենիքի բոլոր հաւատարիմ զաւակներին կոչում էինք սերտօրէն միանալ կատարելագործելու համար պետական կարգը, ամուր կազմ սահմանելով տեղական կեանքի մէջ, և այն ժամանակ մեր մտահոգութիւնն այն էր, որ ընտրողական հասարակական հաստատութիւնները համաձայնեցնենք կառավարչական իշխանութիւնների հետ և արմատախիւ անենք նրանց միջև եղած պառակտումը, որն այնքան կործանարար ազդեցութիւն ունի պետական կանոնաւոր ընթացքի վրայ: Այս մասին չեն դադարել մտածել Խնձակալ Յարերը, Մեր Նախորդները:

Այժմ հասել է ժամանակը, հետեւելով նրանց բարի ձեռներէցութիւններին, ընտրովի մարդիկ կանչելու ամբողջ Ռուսական Ներկից, որ մշտնջենապէս և զործնականապէս մասնակցեն օրէնքների կազմութեան, այս բանի համար մտցնելով պետական բարձր հաստատութիւնների կազմի մէջ մի առանձին օրինախորհրդակցական հաստատութիւն, որին իրաւունք է տրուում մշակելու և քննադատելու օրինագծերը և քննելու պետական հիւստացոյցերը:

Այս նկատումներով, անխախտ պահպանելով Ռուսական կայսրութեան հիմնական օրէնքը Խնձակալ իշխանութեան էութեան մասին, մենք բարեք համարեցինք հիմնել պետական դումա և կանոնադրութիւն հաստատեցինք դումայի ընտրութիւններին վերաբերեալ, տարածելով սոյն օրէնքների զօրութիւնը ամբողջ կայսրութեան վրայ, այն փոփոխութիւններով միայն, որոնք հարկաւոր կը դատուեն առանձին պայմանների մէջ դառնուող նրա մի քանի ծայրերի համար:

Ֆիւլեանդիայի Մեծ Իշխանութեան ընտրեալների պետական դումայում ունենալիք մասնակցութեան կարգի մասին,

կայսրութեան համար ընդհանուր և դոյն երկրի օրէնսդրութեանց խնդիրների վերաբերմամբ, Մենք ցուցումներ կը տանք առանձին:

Ընդ սմին Մենք հրամայեցինք ներքին գործերի մինիստրին անյապաղ կանոններ ներկայացնել Մեզ ի հաստատութիւն պետական դումայի ընտրութիւնների կանոնադրութիւնը գործադրելու մասին այնպէս, որ 50 նահանգներից և Դոնի Զօրքի շրջանից ընտրուած անդամները կարող լինին դումա դալ 1906 թուի յունուարի կէսից ոչ ուշ:

Մենք Մեզ ենք վերապահում ամբողջովին պետական դումայի հաստատութեան լետապայ կատարելագործութեան հոգացողութիւնը, և երբ կեանքն ինքը ցոյց կը տայ նրա հաստատութեան մէջ այն փոփոխութիւնների անհրաժեշտութիւնը, որոնք կարող են կատարելապէս գոհացում տալ ժամանակի պահանջներին և պետական բարօրութեան, չենք յապաղիլ այս մասին պատշաճաւոր ցուցումները տալ իւր ժամանակին:

Վստահութիւն ենք տածում, որ ամբողջ բնակչութեան վստահութեամբ ընտրուած մարդիկ, որոնք այժմ կանչուած են մասնակցելու կառավարութեան հետ միասին օրէնսդրական աշխատանքին, ցոյց կը տան ամբողջ Ռուսիայի առաջ, որ իրենք արժանի են ծարի այն վստահութեան, որով նրանք կանչուած են սոյն մեծ գործին մասնակցելու, և կատարելապէս համերաշխ միւս հաստատութիւնների և Մեզնից նշանակուած իշխանութիւնների հետ, օգտակար աշակցութիւն ցոյց կը տան Մեզ ի բարօրութիւն մեր ընդհանուր Մայր-Ռուսիային հաստատելու պետութեան միութիւնը, ապահովութիւնն ու վեհութիւնը և ժողովրդական կարգն ու բարօրութիւնը:

Աստուծոյ օրհնութիւնը հայցելով Մեր ձեռքով հիմնուող պետական հաստատութեան աշխատանքների վրայ Մենք, անսասան հաւատով առողորմածութիւնն Աստուծոյ և առաջատմական այն անշեղ վիճակը, որ որոշել է Աստուածային Նախախնամութիւնը Մեր թանկագին Հայրենիքի համար, հաստատապէս ապաւինում ենք՝ որ Ամենակարող Աստուծոյ օգնութեամբ և իւր բոլոր գաւակների միահամուռ ջանքերով Ռուսիան դուրս կը գայ յաղթական ներկայումս իրեն հասած ծանր փորձանքներից և կը վերածնի իւր հազարամեայ պատմութեամբ դրօշմուած հղօրութեան, վեհութեան և փառքի մէջ:

Տրուած է Պետերհոֆում օգոստոսի վեցերորդ օրը, Գրիստոսի Մենդեան հազար ինն հարիւր հինգերորդ, իսկ Մեր Թագաւորութեան տասնևմէկերորդ տարում:

Իսկականի վրայ Նորին Կայսերական Մեծութեան սեպհական ձեռքով ստորագրուած է

ՆԻԿՈԼԱՅ

Այսպիսով Ռուսիայի բազմացեղ ազգութիւնների վերայ սուրբ պարտականութիւն է դրուած, արժանաւոր մարդիկ ընտրելով, արդարացնելու Կայսերական Գահից արտայայտուած վստահութիւնը իրենց վերայ:

ՆԵՐՔԻՆ ԼՈՒՐԵՐ

■ Մեր աշխատակից պ. Գարեգին Ենգիբարեանցը խնդրել էր պատշաճաւոր իշխանութիւնից թոյլ տալ իրան հրատարակել Բագու քաղաքում հայերէն լեզուով մի ամենօրեայ թերթ «Երկիր» անունով: Հաւաստի աղբիւրից մենք իմացանք, որ թոյլ է տրուած արդէն այդ թերթի հրատարակութիւնը:

■ Քաղաքիս հայ բանտարկեալները խնդրել են մեզ յորդոր կարդալ հայ խմբագրութիւններին և հրատարակիչներին՝ ուղարկել իրանց լրագիրներ և գրքեր՝ միայնութեան ժամանակ օգտակար գործով զբաղուելու համար: Բարի ցանկութիւն էր և մենք կարգադրեցինք արդէն ուղարկել նոցա «Լուսման», յուսալով, որ ուրիշներն էլ կյարգեն մեր դժբաղդ հայրենակիցների հրաւերը:

■ Անցեալները ուսւ լրագիրներում կարդացինք նահանգապետի մի գեղեցիկ կարգադրութիւն, որ այսուհետեւ աշխատեն դիւանական աւելորդ զբաղութիւնները կրճատել և առհասարակ խոյս տալ «պատիւ ունիմ խոնարհաբար յայտնել կամ խնդրել» և այլ հնացած ձևերից և բաւականանալ հասարակ ձևերով և դիմումներով: Արդարեւ ժամանակն է, որ մեր մէջ էլ վերջ տրուին այդպիսի աւելորդ ձևականութիւնները, որոնցով խճողուած է առհասարակ հայ դիւանատունների զբաղութիւնները. և ցանկալի է, որ ամենապարզ և դիւրին ձևեր սահմանուին յարաբերութիւնների համար. մանաւանդ անհրաժեշտ է բոլորովին վերացնել ծննդականների վերաբերեալ երկար ու բարակ «դակլադները», «ժուռնալները» ևն և այնպէս կարգադրել, որ 1—2 օրում ժողովուրդը հնար ունենայ ծննդական ստանալ, փոխանակ այժմեան 10—20 օրերի:

ՆԱՄԱԿՆԵՐ ԽՄԱՐՆԻՐՈՒԹԵԱՆ

I.

«Լուսայիդ» էջերում քանիցս երևեցաւ նկատողութիւն, որ մինչև այժմ «Մշակի» խմբագրութիւնը հրապարակական